

Тошкент  
шаҳри

Ўзбекистон касба уюшмалари Федерацияси Меҳнат ва ижтимоий муносабатлар академияси талабалари учун ётоқхона қурилиб, фойдаланишга топширилди.

Бунёдкорлик


## АКАДЕМИЯ ТАЛАБАЛАРИ УЧУН ҚУЛАЙЛИК

Бинонинг тантанали очилиш маросимида фан арбоблари, Федерация мутасаддилари, Меҳнат ва ижтимоий муносабатлар Академиясининг профессор-ўқитувчилари ва талабалар қатнашди.

328 ўринга мўлжалланган янги талабалар тураржойи замонавий талабалар асосида бунёд этилган. Хусусан, ҳар бир хона уч юлдузли меҳмонхоналар талаби асосида жиҳозланган, бепул интернет алоқаси – «Wi-Fi» мунтазам равишда ишлаб турибди. Бундан ташқари, талабалар учун махсус IT-парк фаолияти йўлга қўйилган, шунингдек, кутубхона, маънавият ва маърифат хонаси ташкил этилган.

Тадбирда сўзга чиққанлар Академия иш бошлаганига ҳали у қадар кўп вақт бўлмаган эса-да, меҳнат ва ижтимоий муносабатлар соҳасида кадрлар тайёрлаш тизимини такомиллаштиришда янги таълим дастурлари ҳамда ўқитишнинг инновацион шакллари ишлаб чиқиш ва жорий этиш йўлида тизимли ишлар амалга ошираётганини алоҳида таъкидлашди.

Ғуломжон МИРАҚМЕДОВ  
«ISHONCH»



Фарғона  
вилояти

## АРЗҒҮЙЛАР ФОЙДАСИГА 179 МИЛЛИОН СЎМ УНДИРИЛДИ

Фарғона механика заводида ишлаб, касб касаллигига чалинган бир гуруҳ фуқароларнинг мурожаати Ўзбекистон касба уюшмалари Федерацияси Фарғона вилояти кенгаши мутахассислари томонидан жамоатчилик назорати тартибиде ўрганиб чиқилди.

Ўрганишлар давомида 37 нафар фуқарога зарар тўлови тўхтаб қўйилгани маълум бўлди. Йўл қўйилган қонун бузилиш ҳолатини бартараф этиш юзасидан завод маъмуриятига тақдимнома киритилди. Иш берувчи мазкур тақдимнома асосида 37 нафар зарар тўловини олиш ҳуқуқига эга фуқаронинг талабномаларини қондирди.

Шўхрат РАҲИМХҲАЕВ,  
Ўзбекистон касба уюшмалари Федерацияси Фарғона вилояти кенгашининг меҳнатни муҳофаза қилиш бўйича етакчи мутахассиси



Касба  
уюшмаси  
аралашгач...

Соғлиқни сақлаш ходимлари касба уюшмаси Республика кенгашининг Навоий вилояти бўйича меҳнат ҳуқуқ ва техник инспекторлари Завриддин Ҳалимов ҳамда Аваз Худойназаровларга Навбахор туманидаги тиббий муассасаларда фаолият олиб бораётган 46 нафар шифокорлардан мурожаат келиб тушди.

## ШИФОКОРЛАР ҲУҚУҚИ ТИКЛАНДИ

Таъкидланишича, туман тиббиёт бирлашмаси мутасаддиларининг масъулиятсизлиги натижасида 2020-2021 йилларда коронавирус пандемиясига қарши курашга жалб қилинган саломатлик посбонларига берилиши мажбурий бўлган кунлик қўшимча тўловлар, бирийўла тўланиши лозим бўлган маблағлар, ҳаттоки, меҳнат таътили пуллари ҳам берилмаган. Натижада туман тиббиёт бирлашмаси ходимлардан 117 миллион 552 минг 23 сўм миқдорда қарз бўлиб қолган.

Дарвоқе, туман тиббиёт бирлашмаси юқумли касалликлар бўлими бошлиғи Рамизжон Каримов Навоий шаҳрида ташкил қилинган карантин зонасида ишлаш жараёнида коронавирусни юқтириб олган эди. Натижада Рамизжон қисқа вақт ичида икки бор жарроҳлик операциясини

бошдан ўтказишга мажбур бўлди. Бироқ соғлиғи тўлиқ тикланмади ва 2021 йили биринчи гуруҳ ногиронига айланиб, тўшакка михланди. Ҳам соғлиғидан, ҳам севган касбида ишлаш бахтидан маҳрум бўлди.

Рамизжоннинг рафиқаси турмуш ўртоғига бирийўла тўланиши лозим бўлган 100 миллион сўмини ололмасдан икки йил давомида юқори ташкилотларга тинимсиз югурган бўлса-да, бирор натижага эришолмади. Расмийчилик ва алдовлардан ҳафсаласи пир бўлиб, ўзи ҳам соғлиғини йўқотди (бу ҳақда «Ishonch» газетасида мақола ҳам эълон қилинди). Рамизжон Каримов газетанинг ушбу сонини Соғлиқни сақлаш вазирлигига жўнатди ва ўзининг қонуний ҳақини талаб қилди. Аммо вазирлик мутасаддилари аризага ушбу масала юзасидан судга муро-

жаат қилишни маслаҳат беришди. Афсуски, бу пайтга келиб оилада иқтисодий қийинчилик бошланган, эр-хотин иккаласи ҳам оғир дардга чалиниб, бутунлай ҳолдан тойган эди...

Хайрият, касба уюшмалари тизими бор экан, Рамизжон Каримов ўзига тўланиши лозим бўлган 100 миллион сўмини олди. Шунингдек, яна 45 нафар навбахорлик соғлиқни сақлаш ходимларининг ҳуқуқи тикланди. Меҳнат ҳуқуқ ва меҳнат техник инспекторларининг Навбахор тумани тиббиёт бирлашмаси раҳбарига ёзма равишда киритган кўрсатмасига асосан 117 миллион 552 минг 23 сўм миқдоридеги қарздорлик мурожаатчилар фойдасига ундирилди.

Нормурод МУСОМОВ  
«ISHONCH»

Навоий  
вилояти

Қашқадарё  
вилояти

Тадбир

## Ҳар бир мурожаат жиддий таҳлил қилиниши лозим

Қарши шаҳрида жисмоний ва юридик шахслар мурожаатларини кўриб чиқиш ва юретишга қаратилган вазифаларга бағишланган ўқув-семинар бўлиб ўтди.



Унда Ўзбекистон касба уюшмалари Федерацияси кенгаши раиси ўринбосари – Меҳнат инспекцияси бошлиғи Қобилжон Қирғизалиев «Жисмоний ва юридик шахсларнинг мурожаатлари тўғрисида»ги қонуннинг мазмун-моҳиятига қисқача шарҳ бериб ўтди. Шунингдек, тармоқ касба уюшмаларига келиб тушган мурожаатларнинг тўлиқ, ҳолисона ва ўз вақтида кўриб чиқилишини таъминлаш, жисмоний ва юридик шахсларнинг ҳуқуқлари, эркинликлари ва қонуний манфаатлари бузилишини келтириб чиқарувчи сабабларни мунтазам бартараф этиб бориш зарурлигини алоҳида таъкидлади.

Семинарда, шунингдек, мурожаатларни ҳар ярим йилда умумлаштириш ва таҳлил қилиб бориш, улар билан ишлашда электрон ҳужжат айланиш тизимини жорий этиш, рўйхатдан ўтказиш ва кўриб чиқиш бўйича иш юретишини қонунчиликда белгиланган тартибда амалга ошириш юзасидан аниқ тавсиялар берилди.

Тадбиркорлик, бизнес ва хизмат кўрсатиш ходимлари касба уюшмаси Қашқадарё вилояти бирлашган кўмитаси раиси Илҳом Омонов мурожаатлар билан ишлаш, ҳисобини юретиш ҳамда ўрганиш давомида аниқланган камчиликларни бартараф этиш бўйича белгиланган чора-тадбирлар ҳақидаги фикр-мулоҳазалари ҳам барчада катта қизиқиш уйғотди.

Тадбирда кўрилган масалалар юзасидан тегишли қарорлар қабул қилинди.

Ўз мухбиримиз

[www.ishonch.uz](http://www.ishonch.uz)

[ishonch1991@yandex.uz](mailto:ishonch1991@yandex.uz)

<https://www.facebook.com/ishonch.gazetasi>

<https://t.me/ishonchgz>





